

JUEZ A RECHAZA PETICION DI FTA PA PONE BESLAG RIBA PLACA DI HILTON CASINO

ORANJESTAD(AAN) -- Ayeramainta Juez a sinta na mesa cu abogado di Aruba Hotel Enterprises y abogado di FTA.

Esaki ta relaciona cu e peticion di FTA pa pone beslag ariba 88 Mil Florin, cual segun e sindicato ta e placa di tip cu e trahadoman di casino tin derecho ariba dje y cu Hilton Casino a nenga di paga nan.

Manera ta conoci, gerencia di Hilton Casino esta Aruba Hotel Enterprises kier pa e trahadoman awor traha 48 hora pa siman en vez di 36 ora pa siman.

E sindicato a muestra caba cu e aumento cu gerencia ta ofrece en realidad no ta representa nada compara cu loke ya e trahadoman ta ganando. Esaki tabata e motivo tambe cu e trahadoman di Hilton Casino a nenga retundamente di firma un

acuerdo caminda nan ta bay di acuerdo pa traha 8 hora pa dia.

Gerencia di Hilton Casino a prohibi e trahadoman pa traha den e casino, mientras cu nan ta haya nan pago. E sindicato a muestra cu en berdad e trahadoman ta haya nan pago pero nan no ta haya nan tips correspondiente.

Investigacion cu DIARIO a haci ta muestra cu durante e deliberacion cu Juez ayeramainta, Aruba Hotel Enterprises a muestra cu si pone beslag ariba e placa aki, esaki lo perhudica e operacion di e casino.

Di otro banda e trahadoman di e casino ta teme cu e placa aki na dado momento por desaparece y nunca nan lo haya nan pago.

E reunion a caba den horanan di mainta y Juez a bisa cu despues di merdia e lo tuma su decision. Juez su evaluacion di e peticion di beslag ta cu e no ta mira cu

mester tin temor pa e placa worde malversa.

Ademas di esaki e ta haya cu si bay pone beslag ariba e placa esta e 88 Mil Florin, esaki lo perhudica e operacion di e casino. E no ta haya cu e sindicato por garantisar cu lo pone beslag di tal forma cu lo perhudica e operacion di e casino.

Juez su decision ta cu e ta rechaza e peticion di FTA pa pone beslag. Relaciona cu e decision aki, DIARIO tin etendi cu Dialunamainta FTA lo bay sinta na mesa cu su abogado pa evalua kico ta e siguiente paso.

Pa loke ta trata e peticion pa retira e mas cu 70 trahadoman, ta asina cu dentro

di algun siman esaki lo worde trata den Corte caminda cada un di e trahadoman lo mester presenta den Corte.

Ayeratardi FTA a reuni cu tur e trahadoman di Hilton Casino na su sede, caminda a informa nan di e decision di Juez y kico lo bay ta e siguiente pasonan.

AWENOCHI E APERTURA OFICIAL DI CARIB ART NA PARADERA

ORANJESTAD (AAN): Na Centro Caiquetio na Paradera, awe nochí lo tin e apertura oficial di Carib Art, unda cu e comunidad lo por disfruta pa dos siman largo di e exposicion unico aki. E acto oficial aki lo ser realizador di Ministro. dr.sra. Lili Beke-Martinez, y lo ta pa invitadonan.

E artista 'rubiano Leo

Kuiperi tambe lo tey pa duna un contribucion artistico, y esaki ta bai den e siguiente forma: Mientras cu Ministro sra. Lili Beke-Martinez dirigi su mes na e presentenan, Leo Kuiperi lo pinta un caricatura di su persona den un par di minuut, haciendo uso di tur dos man alavez.

Di e forma aki e momento

historico di apertura oficial di Carib Art lo keda pa semper graba.

Teniendo cuenta cu e tremendo reaccion cu a ricibi for di e schoolnan pa bishita e exposicion den oranan di mainta ta haci un apelacion na comunidad pa durante siman bishita e exposicion den oranan di atardi of anochi y den weekend.

OPORTUNIDAD PA TRABAJO

Palais Hindu
STORIES

Ta busca Bendedoras y Cashiers.
Interesados por jama
Tel: 24609

TA BENDE

V.W. Kever full lanta tire hancha, mac reem, colr geel ta bai tur caminda super bon + gekeurd Afl. 2500,-,
Toyota Fan model F '87 super lujoso falta motor Afl. 2250,-,
1 V.W. Kever full restyle porche design blanco convertible mas bunita no tin Afl. 6500,-,
1 V.W. type III convertible color geel motor pisa street drag pafor y paden full restyled: Afl. 9000,-,
Suzuki Jeep Samurai '89 Afl. 4750,-
Picaron 13-G Tel: 50964

"D" DI DJOJO WAGEN A CABA!!!

